



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Compendium Sacrorvm Ritvvm Et Caeremoniarvm**

**Vinitor, Gerlacus**

**Coloniae Agrippinae, 1656**

VIII. De defectibus dispositionis amima.

**urn:nbn:de:hbz:466:1-9459**



74. art. 2. *siue in interiore Calicis superficie à reliquo vino se-*  
*dub. 3. n. 43.* paratae harent. Nam hæc videtur esse communis &  
 optima Ecclesie intentio, consecrandi omnem liquo-  
 rem consecrabilem, qui per modum vnius continui  
 in calice continetur.

*Cavantis*  
*part. 5. tit. 7.*  
*num. 1.*

§. 12. Si quis delusoriè profert verba consecratio-  
 nis, non intendens conficere, enormissimum patrat  
 Sacrilegium; & si fictionis poeniteat ante sumptio-  
 nem potest resumere formam, non ex vi præcepti per-  
 ficiendi Sacrificium, quod nondum inceptum est; sed  
 vi præcepti non fingendi falsum in hoc ministerio, &  
 consequenter non perseverandi in fictione, nec su-  
 mendii potum & cibum per modum Sacramenti, quod  
 non est, nec dandi alijs occasionem adorandi merum  
 panem & vinum, post sumptionem verò ficti Sacra-  
 menti seruetur, quod dictum est supra ex Suarez tit. 5 §. 8.

## TITVLVS VIII.

### *De defectibus dispositionis animæ.*

1. **S**I quis suspensus, excommunicatus, degra-  
 datus, irregularis, vel aliàs Canonicè impe-  
 ditus, celebret: conficit quidem Sacramentum,  
 sed grauissimè peccat, tam propter communitio-  
 nem quam indignè sumit, quam propter execu-  
 tionem Ordinum, quæ sibi erat interdicta.

2. Si quis habens copiam Confessoris celebret  
 in peccato mortali, grauiter peccat.

3. Si quis autem in casu necessitatis non ha-  
 bens copiam Confessoris, in peccato mortali abs-  
 que contritione celebret, grauiter peccat. Secus  
 si conteratur; debet tamen cum primùm poterit,  
 confiteri.

4. Si in ipsa celebratione Missæ Sacerdos re-  
 corderur se esse in peccato mortali, conteratur  
 cum proposito confitendi, & satisfaciendi.

5. Si recorderur se esse excommunicatum, vel  
 suspensum; similiter conteratur cum proposito  
 petendi absolutionem. Ante consecrationem au-  
 tem



rem in supradictis casibus, si non timetur scandalum, debet Missam incepram deserere.

## ANNOTATIONES.

§ 1. Si quis canonicè impeditus celebret, iuxta Rubricam superius n. 1. postam, conficit quidem Sacramentum, sed gravissimè peccat. Et valor ille Missæ, qui est ex parte precum Ecclesiæ, omnino perditur, quia Ecclesia non intendit orare nomine suo, ore præcisorum ab ea per excommunicationem notoriam. Quod si imminet mortis, infamiæ, aut scandali periculum poterunt prædicti cum contritione celebrare.

§ 2. Certissimum est tam Sacerdotem, quàm alium quemcumque, qui sibi conscius est peccati mortalis, teneri ex præcepto Ecclesiæ præmittere Confessionem Sacramentalem antequam ad communionem Sacram accedat, vti patet ex Concilio Tridentino ita loquente: *Ecclesiastica autem consuetudo declarat eam probationem necessariam esse ut nullus sibi conscius mortalis peccati quantumvis sibi contritus videatur, absque præmissa Sacramentali Confessione ad Sacram Eucharistiam accedere debeat, & tum addit: quod à Christianis omnibus etiam ab ipsis Sacerdotibus, quibus ex officio incumberet celebrare hæc Sancta Synodus perpetuò servandum decrevit modo non desit illis copia confessorii.* Ex quo colligitur quod Sacerdos conscius sibi peccati mortalis numquam sine prævia confessione possit celebrare, nisi concurrentibus duabus his circumstantiis, cum scilicet vrget necessitas celebrandi, & deest copia Confessarij. Sed præcipua difficultas est, quando censetur deesse copia Confessarij, & quanta debeat esse necessitas Celebrandi. Quæ quidem res non potest certâ regulâ omninò mathematicè describi, sed attentis circumstantiis prudentum iudicio est determinanda, communiter tamen tradunt Doctores, quod censenda sit vigena necessitas vt absque prævia Confessione, præmissâ solâ contritione, Sacerdos celebrare possit. I. Vt morituro viaticum prabeatur, si alia hostia consecrata desit. II. Si Sacerdos ex proprio suo officio teneatur celebrare, nec adfit alius, qui pro ipso faciat & Sacrificium sine gravi infamia vel populi scandalo omitti non possit. III. Si Sacerdos post consecrationem recorderetur peccati mortalis debet elicita contritione, Sacrificium profectum. Si autem ante consecrationem mortale peccatum

S. Thom. 3.  
part. 9. 28.  
art. 7. ad 3.  
Azor. lib.  
10. c. 31. q. 6

Concil. Trid.  
sess. 13. de  
Sanct. Eu-  
char. Sacram.  
cap. 7. c.  
can. 13.

Layman.  
theol. moral.  
lib. 5. tract.  
4. ca. 6. n. 5.  
Nauarr. in  
Manual. c.  
25. n. 76.



*Suarez disp.*  
*66. sect. 4.*  
*Agidius*  
*Coninch. q.*  
*80. art. 4.*  
*dub. 1.*

committat vel ante commissi memoria incidat, videtur esse obligatus ad confitendum, si commode, & si ne vlla nota infamiae possit, praesertim Canone nondum coepto Quod ad alterum attinet; Copia Confessarij tunc non habetur, si vel nullus Sacerdos adfit approbatus & expositus; ad absentem autem sine magna difficultate spectatis circumstantijs personae & itineris accessus esse nequeat; vel si adfit quidem Confessarius iurisdictione praeditus, cui tamen poenitens sine interprete aut periculo grauis iacturae vel scandali confiteri non possit.

*Bayman. lib.*  
*3. Tract. 4.*  
*cap. 6. n. 7.*  
*VViggers q.*  
*8. art. 5. dub.*  
*5. Coninc.*  
*q. 8. art. 4.*  
*dub. 2.*

§. 3. Ne vero Sacrificaturi habentes conscientiam peccati mortalis, passim praetextu necessitatis, & inopia Confessarij, non instruta Sacra confessione, sed illicita tantum contritione celebrent, praecipit Tridentina synodus *sess. 3. cap. 7. vt Sacerdos, si necessitate urgente absque praua confessione celebrauit, quamprimum postea confiteatur.* Intra quod tempus vero confiteri oporteat, vt quamprimum quis dicatur confiteri, aliqui putant quod mox debeat confiteri quando habet copiam Confessarij, alij vero putant sufficere si saltem intra triiduum fiat, sed hoc certum quod confessio necessario requiratur antequam iterum celebret.

*Piana part.*  
*6. tract. 6.*  
*cap. 33.*

§. 4. Peccata mortalia dubia sunt necessario confitenda siue dubium sit de substantia actionis, an fuerit facta, siue an fuerit mortalis, siue an fuerit iam illud peccatum in confessione dictum. Vnde Sacerdos ante celebrationem si dubitet, an consenserit morosa delectationi, tenetur confiteri de tali peccato dubio, nec potest conscientiam deponere in tali casu, non adesse obligationem illud confitendi.

## TITVLVS IX.

### *De defectibus dispositionis corporis.*

1. Siquis non est ieiunus post mediam noctem, etiam post sumptionem solius aquae, vel alterius potus, aut cibi, per modum etiam medicinae, & in quantumcumque parua quantitate, non potest communicare nec celebrare.

2. Si autem ante mediam noctem cibum aut potum sumpserit, etiam si postmodum non dormierit, nec sit digestus non peccat; sed ob perturbationem mentis, ex qua deuotio tollitur, consulitur aliquando abstinendum.